



Қазақстан Республикасының Ұлттық қауіпсіздік комитеті мен Қытай Халық Республикасының Қорғаныс министрлігі арасындағы Шекаралық ынтымақтастық туралы келісімге қол қою туралы

Қазақстан Республикасы Үкіметінің қаулысы 2002 жылғы 8 тамыз N 885

Қазақстан Республикасының Үкіметі қаулы етеді:

1. Қазақстан Республикасының Ұлттық қауіпсіздік комитеті мен Қытай Халық Республикасының Қорғаныс министрлігі арасындағы Шекаралық ынтымақтастық туралы келісімге қол қоюға келісім берілсін.
2. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасының Ұлттық қауіпсіздік комитеті мен Қытай
Халық Республикасының Қорғаныс министрлігі арасындағы
Шекаралық ынтымақтастық туралы
КЕЛІСІМ

Бұдан әрі Тараптар деп аталатын Қазақстан Республикасының Ұлттық қауіпсіздік комитеті мен Қытай Халық Республикасының Қорғаныс министрлігі

Қазақстан Республикасы және Қытай Халық Республикасы арасындағы негізгі достық қарым-қатынас туралы 1993 жылғы 18 қазандағы бірлескен декларацияда және Қазақстан Республикасы, Қырғыз Республикасы, Ресей Федерациясы, Тәжікстан Республикасы және Қытай Халық Республикасы арасындағы шекара ауданындағы әскери саладағы сенімді нығайту туралы 1996 жылғы 26 сәуірдегі Z960057_ келісімде бекітілген қағидаттарды негізге ала отырып,

қазақстан-қытай мемлекеттік шекарасында тұрақтылықты сақтау,
өзара сенім және татулық рухын нығайту мақсатында
төмендегілер туралы келісті:

1-бап

Тараптар шекараны күзету саласындағы ынтымақтастық процесінде қазақстан-қытай мемлекеттік шекарасын достық, тыныштық және бейбітшілік шекарасы жасау үшін күш салады.

2-бап

Тараптар ынтымақтастықты мынадай бағыттар бойынша дамытатын болады:

1. Мемлекеттік шекарада және шекаралық аудандарда тәртіпті қолдануға септігін тигізетін ақпараттар алмасу;
2. Мемлекеттік шекарада құқыққа қарсы, қылмыстық іс-әрекеттердің жолын кесу;
3. Мемлекеттік шекарада болуы ықтимал қақтығыстардың және даулы жағдайлардың алдын алу;
4. Шекарада терроршыл, оқшаушыл, содыршыл ұйымдардың іс-әрекеттерін, қару-жарақты, оқ-дәрілерді, жарылғыш заттарды, есірткілерді, сондай-ақ өзге де тыйым салынған заттарды контрабандалық әкелудің (әкетудің) және өзге іс-әрекеттердің ж о л ы н к е с у ;
5. Шекарадан заңсыз өтіп кеткен адамдарды, малдарды, сондай-ақ көлік құралдарын және бағалы заттарды іздестіруге әрі дер кезінде қайтаруға көмек беру;
6. Басқа Тарап мемлекетіне зиян келтіруі мүмкін дүлей апаттар, індеттер, жануарлар індеттері пайда болған жағдайда дер кезінде хабарлау және өзара көмек көрсету;
7. Өз мемлекеттері шекараларын күзетуді ұйымдастыру тәжірибелерін алмасу.

3 - б а п

Тараптар байланыстардың мынадай нысандары мен тәртібін белгілейді:

1. Қазақстан Республикасының Ұлттық қауіпсіздік комитеті мен Қытай Халық Республикасының Қорғаныс министрлігі басшыларының немесе олардың уәкілетті өкілдерінің кездесулері шекаралық ынтымақтастықтың аса маңызды мәселелерін шешу үшін қажеттілігіне қарай мемлекеттер астаналарында немесе өзге де келісілген жерлерде кезекпен өткізіледі.

Тараптар байланысты дипломатиялық арналар бойынша жүзеге асырады.

2. Қазақстан Республикасы Ұлттық қауіпсіздік комитетінің Шекара қызметі Бас штабының және Қытай Халық-азаттық армиясы Синьцзян әскери округінің басшылары

немесе олардың өкілдері өзара уағдаластық бойынша Тараптар мемлекеттерінің шекаралық қалаларында немесе басқа келісілген жерде жұмыс кездесулерін өткізеді, оларда мемлекеттік шекараны күзету әрі онда тәртіпті және белгіленген ережені қолдауға тікелей қатысы бар мәселелерді қарайды. Тараптар байланысы дипломатиялық арналар бойынша немесе шекаралық өкілдер арқылы жүзеге асырылады.

3. Тараптардың шекаралық өкілдері немесе олардың орынбасарлары, әдетте, келісілген кездесу пункттерінде кезекпен жоспарлы мәжілістер өткізеді, оларда өз қызметі учаскелері мен берілген өкілеттік шеңберінде нақты мәселелерді шешеді. Шекаралық өкілдер байланысы қызметтік хат-хабарды қабылдау-беру жөніндегі уәкілдер арқылы жүзеге асырылады.

4. Тараптардың тиісті деңгейдегі басшылары кездесулерінің немесе келіссөздерінің нәтижелері хаттамамен ресімделеді.

4 - б а п

Бір Тарап делегациясының екінші Тарап мемлекетінің аумағында болуына байланысты шығыстар, халықаралық көлік шығыстарын қоспағанда, қабылдаушы Тарап есебінен жүргізіледі.

5 - б а п

Тараптар мынадай ақпараттарды өтемсіз алмасады:

1. Белгіленген тәртіпке әсерін тигізетін мемлекеттік шекарада және шекараға іргелес аудандарда қалыптасып отырған ахуал туралы;

2. Мемлекеттік шекара бұзуға дайындық жасалып жатқаны (бұзылғандығы) немесе оны адамдардың, көлік құралдарының, ұшатын аппараттардың бұзылу мүмкін екендігі туралы;

3. Шекара бұзушылар іс-әрекеттерінің тәсілдері мен әдістері және олар қолданатын қулықтар туралы;

4. Шектес аумақта жасырынған немесе жасырыну ниеттері бар шекара бұзушылар мен қылмыскерлер туралы;

5. Шекарада және шекараға іргелес аудандарда халықаралық терроршылардың, содырлардың, оқшаушылдардың іс-әрекеттері, сондай-ақ шекара арқылы өткізу кезінде анықталған контрабандалық қару-жарақ пен есірткілер туралы;

6. Мемлекеттік шекарада және шекараға іргелес аудандарда белгіленіп отырған ірі ауқымды іс-шаралардың сипаты, олардың өткізілу уақыты туралы;

7. Шекара арқылы тарап кетуі және басқа Тарапқа зиян келтіруі мүмкін дүлей апаттар, індеттер, жануарлар індеттері, басқа да экологиялық құбылыстар туралы;

8. Шекара мәселелеріне қатысты нормативтік құқықтық кесімдер туралы;

9. Тараптар алмасу қажетті деп есептейтін басқа да ақпараттар туралы.

Бір Тарап екінші Тараптан алған ақпараттар мен құжаттар жария етілмейді немесе олар алынған Тараптың жазбаша келісімінсіз үшінші тарапқа берілмейді.

6-бап

Тараптар өзара кеңесіп отыру және келісілген шаралар жолымен мемлекеттік шекарада тыныштық пен тұрақтылықты қолдайды әрі болуы ықтимал қақтығыстарды ш е ш е д і .

Тараптар шекарашылар өміріне тікелей қауіп төніп тұрмаса шекара бұзушыларға қарсы жәбірлеуші шаралар мен қатынастың дөрекі түрлерін қолданбайды және оларға қ а р с ы қ а р у ж ұ м с а м а й д ы .

Тараптар шекара маңында атыс жасамайды және оқтың басқа Тарап аумағына т ү с у і н е ж о л б е р м е й д і .

Шекарашылар мемлекеттік шекараны бұзушыларға қатысты қару қолданар алдында оны қолдану ниеті туралы ескерту жасауға және ескерту оғын атуға тиіс.

7 - б а п

Тараптар шекаралық ынтымақтастық мәселелерін дер кезінде шешу үшін тиісті шекара өкілдіктерінің кездесу пункттері арасында тікелей телефон байланысын орната алады. Мұндай байланысты орнатудың нақты тәртібін тиісті учаскелердегі шекара ө к і л д е р і б е л г і л е й д і .

8 - б а п

Өзара уағдаластық немесе Тараптардың біреуінің шақыруы бойынша мемлекеттік және ведомстволық мейрамдар қарсаңында Тараптар шекара бөлімшелеріне барып, мәдени және спорттық делегациялар алмасуды ұйымдастыруы мүмкін.

Нақты іс-шаралар және оларды өткізу мерзімі шекара өкілдері арқылы келісіледі.

9-бап

Осы Келісім Тараптар қызметінің нақты бағыттары бойынша олардың өзара іс-қимылдары туралы хаттамалармен толықтырылуы мүмкін. Хаттамалар, егер оларда өзгеше айтылмаған болса, осы Келісімнің 12-бабында белгіленген тәртіпке сәйкес күшіне енеді және өз қолданысын тоқтатады.

10-бап

Осы Келісім Тараптардың олар қатысушылар болып табылатын басқа халықаралық шарттардан туындайтын құқықтары мен міндеттемелерін қозғамайды.

11-бап

Тараптардың өзара келісімі бойынша осы Келісімге өзгерістер мен толықтырулар енгізілуі мүмкін, олар осы Келісімнің ажырамас бөлігі болатын жеке хаттамалармен ресімделеді.

Осы Келісімді түсіну мен қолдануға қатысты келіспеушіліктер туындаған жағдайда Тараптар оларды өзара кеңесу және келіссөздер жолымен шешетін болады.

12-бап

Осы Келісім оған қол қойылған күннен бастап күшіне енеді және бес жыл бойы қолданылады. Егер Тараптардың ешқайсысы бұл кезеңнің аяқталуынан алты ай бұрын өзінің осы Келісімнің қолданылуын тоқтатпақ ниеті туралы екінші Тарапқа жазбаша хабарламаса, оның қолданысы келесі бес жылдық кезеңге өздігінен ұзарады.

200__ жылғы "____" _____ Пекин қаласында қазақ, қытай және орыс тілдерінде әрқайсысы екі данадан жасалды, әрі барлық мәтіннің бірдей күші бар. Осы Келісімнің ережелерін түсінуде келіспеушіліктер туындаған жағдайда, Тараптар орыс тіліндегі мәтінге жүгінетін болады.

Қазақстан Республикасының
Ұлттық қауіпсіздік комитеті
үшін

Қытай Халық Республикасының
Қорғаныс министрлігі
үшін

Мамандар:

Багарова Ж.А.,

Қобдалиева Н.М.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК